

Bosanska naučna olimpijada 2016. okupila srednjoškolce iz čitave Bosne i Hercegovine

BURCH univerzitet u saradnji sa Ambasadom Sjedinjenih Američkih Država i Fondacijom "Izvor nade", organizirao je peti po redu sajam naučnih projekata za učenike srednjih škola iz cijele Bosne i Hercegovine pod nazivom "Bosnian Science Olympiad 2016."

Bosanska naučna olimpijada je platforma putem koje učenici srednjih škola mogu prezentirati svoje projekte, te zavisno od plasmana ostvariti stipendije za nastavak školovanja na BURCH univerzitetu. Ovaj projekt je također prilika za mlade da stiču nove kompetencije i razvijaju svoje ideje i da se pruži prilika srednjoškolcima da upoznaju svoje vršnjake iz svih dijelova Bosne i Hercegovine.

Manifestaciju su otvorili: ataše Ambasade Sjedinjenih Američkih Država, Nicholas Geisinger, direktor Fondacije "Izvor nade" Harun Tursanović, predstavnik Microsofta Admir Tuzović, načelnik Općine Ilidža prof. dr. Senaid Memić i rektor BURCH univerziteta, prof. dr. Teoman Duman.

Ove godine na Olimpijadi je prezentirano "Top 100" projekata, odnosno 25 projekata po kategoriji.

Učenici naše škole predstavili su se sa osam projekata: šest iz oblasti *Imam ideju* i dva iz *Web dizajna*. Učestvovali su slijedeći učenici: Emina Mašić, Ahmed Nurović, Ruhotina Minesa, Bašić Adna, Adela Hadžić, Kustura Azra iz IVb; Merima Babić Variz Amina, Faris Melić, Adina Šogolj iz IVc razreda; Berina Hodžić, Omar Ali Shanan, Emina Pustahija, Anela Trtić, Fatima Hasanović, Lejla Redžović iz IIIb razreda.